



Broj: 04/B-06-11-JC- 835/24

Sarajevo, 10.07.2024. godine

**Ministarstvo vanjske trgovine i ekonomskih odnosa BiH**

g. Staša Košarac, ministar

**Ministarstvo komunikacija i transporta BiH**

g. Edin Forto, ministar

**Ministarstvo civilnih poslova BiH**

gđa. Dubravka Bošnjak, ministrica

**Predmet: 31. Poziv za dostavu aplikacija tehničke pomoći u okviru Investicijskog okvira za Zapadni Balkan – 31. TA poziv**

Poštovani,

Obavještavamo da je Evropska komisija objavila 31. poziv za dostavljanje aplikacija tehničke pomoći u okviru Investicijskog okvira za Zapadni Balkan (WBIF), kroz Instrument za predpristupnu pomoć - IPA III i Evropski zajednički fond za Zapadni Balkan.

Prilikom pripreme projektnih prijedloga, posebna pažnja treba biti usmjerena na to da:

- projektni prijedlozi jesu povezani sa Ekonomskim i investicijskim planom za Zapadni Balkan (EIP), odn. sa EIP flagship-om;
- postoje usvojena relevantna cjelodržavna sektorska strateška dokumenata;

Kriteriji prihvatljivosti koji vrijede za aplikacije u 31. pozivu za tehničku pomoć su:

- podrška za pripremu ili implementaciju projekata (pripremna dokumentacija za investicijske projekte - master planovi, (pred) studije izvodljivosti, analize troškova i koristi, procjene utjecaja na okoliš i društvo, sveobuhvatne procjene rizika, idejni i glavni projekti, itd.);
- podrška za prevazilaženje prepreka koje uzrokuju kašnjenja u projektima;

Također, moguće je tražiti ciljanu izgradnju kapaciteta kao i pomoć prilikom pripreme tenderske dokumentacije i javne nabavke.

S tim u vezi, potrebno je naglasiti da za projekte u okviru kojih se razvijaju pripremne studije (npr. studija izvodljivosti) neće biti odobreno finansiranje za sljedeću fazu, sve dok predmetne studije ne budu završene i njihovi rezultati ne budu odobreni od strane korisnika i vodeće međunarodne finansijske institucije.

Više informacija o kriterijima prihvatljivosti i vremenskom okviru vezano za predmetni Poziv dato je u Prilogu 1.

Podsjećamo da je osnovni uslov za apliciranje za WBIF sljedeći:

- Zahtjev za grant sredstvima mora biti povezan sa investicijom, te treba biti praćen kreditnim aranžmanom (koji je u fazi pregovaranja ili je već sklopljen) između Bosne i Hercegovine i neke od međunarodnih finansijskih institucija uključenih u WBIF (Evropska banka za obnovu i razvoj,

Evropska investicijska banka, Razvojna banka Vijeća Evrope, Razvojna banka SR Njemačke, Svjetska banka, te Francuska razvojna agencija), uz razmotrene financijske mogućnosti aplikanta za zaduživanjem u budućnosti.

- Navedena vodeća međunarodna finansijska institucija mora izraziti interes/podršku projektu koji se predlaže i biti konsultovana pri izradi grant aplikacije.
- Zbog finansijskih obaveza koje se stvaraju, neophodno je također konsultovanje relevantnih ministarstava finansija prilikom apliciranja po pitanju mogućnosti zaduživanja vezano za predloženi projekat.

Samo dobro napisani projektni prijedlozi, nakon što prođu provjeru dobijaju i pozitivnu ocjenu.

Pozivamo vas da u svojstvu koordinirajuće institucije informišete sve relevantne korisnike na različitim nivoima vlasti u sektorima iz vaše nadležnosti o detaljima ovog Poziva, te pristupite pripremi i prikupljanju projektnih prijedloga (aplikacija). Ujedno vas molimo da prilikom pripreme projektnih prijedloga aplikantima pružite neophodnu podršku, kako bi aplikanti obezbijedili tražene informacije, a sva resorna ministarstva dobila relevantne podatke za davanje mišljenja o aplikacijama.

U skladu sa Instrukcijama za izradu i dostavljanje grant aplikacija u BiH sa rokovima za izvršavanje aktivnosti (Prilog 2), molimo vas da najkasnije do **1.8.2024. godine** Direkciji za evropske integracije putem elektronske pošte ([sabina.dizdarevic@dei.gov.ba](mailto:sabina.dizdarevic@dei.gov.ba) i [jasmina.cengic@dei.gov.ba](mailto:jasmina.cengic@dei.gov.ba)) dostavite nacрте aplikacija u formi GAF (Prilog 3).

Finalne aplikacije, kao i ocjena zadovoljavanja kriterija 31. poziva za tehničku pomoć (Prilog 4), trebaju biti dostavljeni Direkciji za evropske integracije putem dopisa, najkasnije do **20.8.2024. godine**, kako bi se na osnovu dostavljene ocjene sačinio prijedlog liste aplikacija za usvajanje od strane Državnog odbora za investicije Bosne i Hercegovine.

Detaljnije informacije o apliciranju za pozive Investicijskog okvira za Zapadni Balkan možete dobiti putem web stranice <https://www.wbif.eu/about/how-apply-wbif-grant>

Elektronska forma aplikacionog paketa će biti prosljeđena e-mailom sektorskim koordinatorima/voditeljima projekata u vašoj instituciji.

S poštovanjem,



Priloga: (4)

1. Informacija o kriterijima prihvatljivosti za WBIF Poziv za dostavljanje projekata za tehničku pomoć u javnom sektoru
2. Instrukcije za izradu i dostavljanje grant aplikacija u BiH – 31. TA poziv
3. Format WBIF TA grant aplikacije: Project Grant Application Form (GAF) (e-mailom)
4. Format Tabele ocjene zadovoljavanja uslova WBIF-a – 31. TA poziv

Dostavljeno:

1. Naslovu
2. Članovima Državnog odbora za investicije BiH (e-mail)
3. Sektorskim koordinatorima/Voditeljima projekata (e-mail)
4. WBIF menadžer za BiH (e-mail)
5. a/a